



Broj: 07-11-1837/21  
Vogošća, 28.12.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 28.12.2021. godine donio je

**ODLUKU**  
**O IZBORU NAJPOVOLJNIJEG PONUĐAČA ZA PRUŽANJE USLUGE IZRADE**  
**IZVEDBENIH PROJEKATA MOSTA PREKO JOŠANIČKOG POTOKA U ULICI GORNJA**  
**JOŠANICA I I MOSTA PREKO RIJEKE LJUBINE U ULICI LJUBINA, NA PODRUČJU**  
**OPĆINE VOGOŠĆA**

**Član 1.**

Ponuda ponuđača "Wide" d.o.o. Visoko, ulica Alije Izetbegovića bb Visoko, odabrana je za pružanje usluge izrade Izvedbenih projekata mosta preko Jošaničkog potoka u Ulici Gornja Jošanica I i mosta preko rijeke Ljubine u Ulici Ljubina, na području općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 10.200,00 KM bez uračunatog PDV-a.

**Član 2.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 07.12.2021. godine donio Odluku o pokretanju Otvorenog postupka nabavke usluge izrade Izvedbenih projekata mosta preko Jošaničkog potoka u Ulici Gornja Jošanica I i mosta preko rijeke Ljubine u Ulici Ljubina, na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 08.12.2021. godine pod brojem: 1353-1-2-220-3-175/21.

Sažetak Obavještenja o nabavci objavljen je u "Službenom glasniku BiH" broj: 75/21 od 10.12.2021. godine.

Tendersku dokumentaciju sa Portala javnih nabavki BiH su preuzela 23 (dvadeset i tri) ponuđača.

Krajnji rok za dostavu ponuda bio je 23.12.2021. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 23.12.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1837/21 iz decembra 2021, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 7 (sedam) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Design&QC" d.o.o. Sarajevo	15.800,00	/	/	18.486,00
2	"Infra" d.o.o. Sarajevo	14.900,00	/	/	17.433,00
3	"Radis" d.o.o. Istočno Sarajevo	16.300,00	/	/	19.071,00
4	"Institut za građevinarstvo IG" d.o.o. Banja Luka	17.300,00	/	/	20.241,00
5	"Wide" d.o.o. Visoko	10.200,00	/	/	/
6	"NTSI-institut" d.o.o. Sarajevo	11.990,00	/	/	14.028.30
7	"Centar za projektovanje i konsalting" d.o.o. Banja Luka	11.190,00	/	/	13.092,30

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Infra" d.o.o. Sarajevo ne ispunjava formalno-pravne uslove tražene Tenderskom dokumentacijom i to:
  - Tačkom 8.1.4.TD je propisano da se Ponuda izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata. Dijelovi ponude kao što su uzorci, katalozi, mediji za pohranjivanje podataka i sl. koji ne mogu biti uvezani, ponuđač obilježava nazivom i navodi u sadržaju ponude kao dio ponude. Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav 6. i 7. Uputstva za pripremu modela tenderske dokumentacije i ponuda.

Ponuđač "Infra" d.o.o. Sarajevo nije dostavio ponudu na naprijed propisani način, tj. dostavljena ponuda je uvezana spiralno, bez korištenje jemstvenika, a što prema mišljenju iznesenom u Rješenju Ureda za razmatranje žalbi BiH-Filijala Mostar broj: JN2-03-07-1-929-8/19 od 23.05.2019. godine ne predstavlja čvrsto uvezivanje, na način da se onemogući naknadno vađenje ili umetanje listova, propisano članom 58. stav 2. Zakona o javnim nabavkama BiH i članom 8. stav 2. Uputstva za pripremu modela tenderske dokumentacije i ponuda.

U skladu sa prethodno navedenim mišljenjem Ureda za razmatranje žalbi BiH-Filijala Mostar, pod čvrstim uvezom podrazumjeva se ponuda ukoričena u knjigu ili ponuda osigurana jamstvenikom.

O naprijed navedenom je također zauzeo stav i Sud Bosne i Hercegovine u Presudi broj: S1 3 U 021191 16 U od 08.08.2017. godine.

- Tačkom 8.2.1.TD-Napomenom III je propisano da su ponuđači dužni u ponudi dostaviti original ili ovjerenu kopiju ovlaštenja za potpisivanje, ukoliko ovlaštene osobe za zastupanje ponuđača nisu navedene u Aktuelnom izvodu iz sudskog registra kao lica ovlaštena za zastupanje subjekta upisa.

Ponuđač "Infra" d.o.o. Sarajevo je propustio da dostavi u ponudi ovlaštenje za potpisivanje, te je na taj način postupio suprotno jasno postavljenom zahtjevu ugovornog organa iz TD, a također i suprotno odredbi člana 58. stav 1. pod g) Zakona o javnim nabavkama BiH.

Kao ovlaštena osoba za zastupanje subjekta upisa u dostavljenom Aktuelnom izvodu iz sudskog registra od 24.09.2021. godine u Ponudi ponuđača "Infra" d.o.o. Sarajevo naveden je Edin Jahić-direktor bez ograničenja ovlaštenja u okviru registrovanih djelatnosti.

Osoba koja je u Ponudi označena kao ovlašteno lice ponuđača-punomoćnik je Kenan Imširpašić.

Međutim, ponuđač "Infra" d.o.o. Sarajevo je propustio da dostavi zahtjevanu punomoć za Kenana Imširpašića, koji je potpisnik svih dokumenata dostavljenih u Ponudi broj: 039-B-21 od 20.12.2021. godine ponuđača "Infra" d.o.o. Sarajevo.

- Tačkom 7.4.2. pod b) TD je kao dokaz za postavljeni zahtjev ugovornog organa iz tačke 7.4.1. pod b) TD zahtjevana Izjava na obrascu ponuđača da će za potrebe realizacije predmeta nabavke imati na raspolaganju angažovano tehničko osoblje.

Od ponuđača je zahtjevano da u sklopu svoje ponude dostave Izjavu u kojoj će navesti da će za svaku fazu svakog Izvedbenog projekta angažovati stručno lice koje ispunjava sve predviđene uslove za izradu i ovjeru tehničke dokumentacije, u skladu sa Zakonom o prostornom uređenju Kantona Sarajevo ("Službene novine Kantona Sarajevo" broj: 24/17 i 1/18) i drugim zakonskim propisima koji regulišu ovu oblast.

Ponuđač "Infra" d.o.o. Sarajevo je propustio da dostavi traženu Izjavu, te je na taj način postupio suprotno jasno postavljenom zahtjevu ugovornog organa iz TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

## II. Ponuda ponuđača "NTSI-institut" d.o.o Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD je zahtjevano da je ponuđač u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku (projektovanje saobraćajnica i objekata niskogradnje: mostovi, vijadukti, pothodnici, armiranobetonski propusti, potporni zidovi uz saobraćajnice i sl.) u ukupnom iznosu od 9.000,00 KM bez uračunatog PDV-a ili više pojedinačnih ugovora u ukupnom zbiru od 9.000,00 KM bez uračunatog PDV-a.

Ponuđač "NTSI-institut" d.o.o Sarajevo je u svojoj Ponudi (strana 28-30. Ponude) kao dokaz za traženo dostavio Potvrde o uredno izvršenim Ugovorima, izdate od Grada Sarajevo i Općine Novo Sarajevo. Komisija za javne nabavke je dostavljene Potvrde uzela u razmatranje kao relevantne i ispravne, jer se po mišljenju Komisije za javne nabavke radi o sličnim poslovima koji se odnose na predmet nabavke.

U dostavljenim Potvrdama u Ponudi ponuđača "NTSI-institut" d.o.o Sarajevo (strana 31-33. Ponude), izdatim od Općine Novo Sarajevo, se ne radi o istim ili sličnim poslovima koji su predmet ove javne nabavke, te Komisija za javne nabavke ugovornog organa cijeni da iste nisu prihvatljive za ugovorni organ.

U dostavljenim potvrdama radi se o projektima saobraćajne signalizacije.

Iz dostavljenih Potvrda koje je Komisija za javne nabavke Općine Vogošća uvažila kao ispravne ponuđač "NTSI-institut" d.o.o Sarajevo nije dokazao da ispunjava jasno postavljene zahtjeve ugovornog organa iz tačke 7.4.1. pod a) TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponude ponuđača:

- "Design&QC" d.o.o. Sarajevo,
- "Radis" d.o.o. Istočno Sarajevo,
- "Institut za građevinarstvo IG" d.o.o. Banja Luka,
- "Wide" d.o.o. Visoko i
- "Centar za projektovanje i konsalting" d.o.o. Banja Luka

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge izrade Izvedbenih projekata mosta preko Jošaničkog potoka u Ulici Gornja Jošanica I i mosta preko rijeke Ljubine u Ulici Ljubina, na području općine Vogošća kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Wide" d.o.o. Visoko	10.200,00*	/	/	/
2	"Centar za projektovanje i konsalting" d.o.o. Banja Luka	11.190,00	/	/	13.092,30
3	"Design&QC" d.o.o. Sarajevo	15.800,00	/	/	18.486,00
4	"Radis" d.o.o. Istočno Sarajevo	16.300,00	/	/	19.071,00
5	"Institut za građevinarstvo IG" d.o.o. Banja Luka	17.300,00	/	/	20.241,00

\*ponuđač nije PDV obveznik

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Wide" d.o.o. Visoko, za pružanje usluge izrade Izvedbenih projekata mosta preko Jošaničkog potoka u Ulici Gornja Jošanica I i mosta preko rijeke Ljubine u Ulici Ljubina, na području općine Vogošća, kao prvoplasiranom na Rang listi, sa ponuđenom ukupnom cijenom u iznosu od 10.200,00 KM bez uračunatog PDV-a.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

- |   |               |
|---|---------------|
| 1. "Design&QC" d.o.o. Sarajevo                              | 033/863-702   |
| 2. "Infra" d.o.o. Sarajevo                                  | info@infra.ba |
| 3. "Radis" d.o.o. Istočno Sarajevo                          | 057/343-136   |
| 4. Institut za građevinarstvo "IG" d.o.o. Banja Luka        | 051/348-372   |
| 5. "Wide" d.o.o. Visoko                                     | 032/735-535   |
| 6. "NTSI institut" d.o.o. Sarajevo                          | 033/847-775   |
| 7. "Centar za projektovanje i konsalting" d.o.o. Banja Luka | 051/492-411   |
| 8. Nadležnoj Službi   |               |
| 9. U dosije   |               |
| 10. a/a   |               |



OPĆINSKI NAČELNIK

Edin Smajić  
Edin Smajić